



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-15-28764-1/20
Sarajevo, 11.08.2020. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), Zakona o poticaju razvoja male privrede ("Službene novine Kantona Sarajevo", broj: 29/15), Odluke Vlade Kantona Sarajevo, na 47. vanrednoj sjednici održanoj 06.08.2020. godine, o usvajanju Godišnjeg plana provođenja Programa razvoja male privrede za 2020. godinu, broj: 02-04-29129-6/20 od 06.08.2020. godine i člana 2. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19), ministar Ministarstva privrede Kantona Sarajevo
d o n o s i

ODLUKU

I


Usvaja se Program utroška sredstava sa kriterijima raspodjele sredstava "Poticaj razvoju male privrede" za 2020. godinu, koji je sastavni dio ove Odluke.

II

Odluka stupa na snagu danom donošenja, a objavit će se na web stranici Ministarstva privrede.

Dostaviti:

1. Evidencija
2. a/a



PROGRAM
utroška sredstava sa kriterijima raspodjele sredstava
"Poticaj razvoju male privrede" za 2020. godinu

Na osnovu člana 10. stav (4) Zakona o poticaju razvoja male privrede ("Službene novine Kantona Sarajevo", broj: 29/15), Vlada Kantona Sarajevo donijela je Godišnji plan provođenja programa poticaja razvoja male privrede za 2020. godinu (u daljnjem tekstu: Godišnji plan). Godišnjim planom za 2020. godinu su planirane i propisane mjere koje će u potrebnim i mogućim segmentima Ministarstvo privrede provesti u cilju stabilizacije poduzetničkog okruženja, broja privrednih subjekata i očuvanja radnih mjesta, a kako bi se stvorili uvjeti za daljnji ekonomski rast i razvoj obrta, malog i srednjeg poduzetništva i rast zaposlenosti.

Na osnovu člana 2. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16, 21/17 i 29/19) i Odluke o usvajanju Godišnjeg plan provođenja Programa razvoja male privrede za 2020. godinu, broj: 02-04-29129-6/20 od 06.08.2020. godine, ministar Ministarstva privrede Kantona Sarajevo donosi Odluku o usvajanju Programa utroška sredstava za 2020. godinu sa kriterijima raspodjele sredstava "Poticaj razvoju male privrede" (u daljem tekstu: Program utroška sredstava). Programom utroška sredstava definišu se programi koje će Ministarstvo privrede provesti u narednom periodu, i to: Obezbjedenje kreditiranja pod povoljnijim uslovima; Subvencioniranje (refundiranje) troškova kamata po preuzetim kreditima; Poticaj za tehnološku modernizaciju i primjenu standarda kvalitete; Poticaj za unaprjeđenje poduzetništva obrtnika; Edukacija mladih za obrtnička-zanatska zanimanja i zapošljavanje; Poticaj za unaprjeđenje IT preduzetništva u svrhu zapošljavanja; Poticaj start up subjektima male privrede; Poticaj razvoja ženskog preduzetništva i Podrška mladima za pokretanje start up poslovnih subjekata na području Kantona Sarajevo.

Pravo na dodjelu poticajnih sredstava za subvencioniranje dijela troškova i aktivnosti u skladu sa pojedinim programima ostvaruju svi subjekti male privrede definisani u članu 5. Zakona ("Službene novine Kantona Sarajevo", broj: 29/15), a koji u skladu sa obavještenjem Službe za statistiku o razvrstavanju prema klasifikaciji djelatnosti imaju registrovanu djelatnost unutar dozvoljenih sljedećih područja prema Klasifikaciji djelatnosti KD BiH 2010 ("Službeni glasnik BiH", broj 47/10):

- **C** Prerađivačka industrija (osim oblasti 12 Proizvodnja duhanskih proizvoda i oblasti 19 Proizvodnja koksa i rafiniranih naftnih proizvoda);
- **F** Građevinarstvo;
- **I** Djelatnosti pružanja smještaja te pripreme i usluživanja hrane (hoteljerstvo i ugostiteljstvo);
- **J** Informacije i komunikacije;
- **M** Stručne, znanstvene i tehničke djelatnosti;
- **N** Administrativne i pomoćne uslužne djelatnosti (osim oblasti 77 djelatnosti iznajmljivanja i davanja u zakup (leasing) i 78 Djelatnosti posredovanja u zapošljavanju);
- **Q** Djelatnosti zdravstvene zaštite i socijalne skrbi; i
- **S** Ostale uslužne djelatnosti (osim oblasti 94 Djelatnosti članskih organizacija).

Novčana sredstva iz ovog Programa, u skladu sa Godišnjim planom i Pravilnikom o postupcima u provođenju Programa razvoja male privrede ("Službene novine Kantona Sarajevo", 17/16, 30/16, 42/16, 21/17 i 29/19) (u daljem tekstu: Pravilnik), raspoređuju se po sljedećim programima:

1.1. Program: Obezbjedenje kreditiranja pod povoljnijim uslovima

Cilj:

Program "Poticajna kreditna sredstava pod povoljnijim uslovima" omogućava subjektima male privrede da putem odabrane banke obezbijede finansijska sredstva po povoljnijim kreditnim uvjetima (uz subvencioniranu kamatnu stopu na kreditna sredstva, ugovoreni greis period, manju efektivnu kamatnu stopu - EKS i troškove obrade kredita) čija namjena je obezbjedenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju i povećanje obima proizvodnje i/ili usluga, te u skladu sa tim i obezbjedenje novih radnih mjesta.

Kriteriji za izbor:

Obezbjedenje kreditiranja pod povoljnijim uslovima putem banke odobrava se subjektima male privrede, koji imaju sjedište na području Kantona Sarajevo, uz uslov implementacije odobrenih sredstava na području Kantona Sarajevo (u daljem tekstu: Kanton). U skladu sa zakonom vrši se odabir banke za plasman kreditne linije uz subvencioniranje dijela kamatne stope od strane Ministarstva privrede na osnovu sljedećih kriterija: visina sredstava za kreditnu liniju, visina kamatne stope, visina troškova obrade kredita, ponuđenog greis perioda i finansijskog iznosa uspješno implementiranih kreditnih linija za subjekte male privrede u Kantonu Sarajevo. Javni poziv za izbor korisnika poticajnih kreditnih sredstava, uz saglasnost Ministarstva privrede raspisuje odabrana Banka. Izbor korisnika poticajnih kreditnih sredstava, vrši se na osnovu podnesenih zahtjeva za kreditna sredstva, razvojnih programa/projekata koji omogućavaju stvaranje stimulativnog poslovnog ambijenta za razvoj postojećih privrednih subjekata i otvaranje novih radnih mjesta. Osnovni kriteriji za utvrđivanje liste potencijalnih korisnika kredita sa subvencioniranom kamatnom stopom su: vrsta djelatnosti (proizvodna, uslužna i proizvodno-uslužna); broj uposlenih; povećanje zaposlenosti nakon implementacije kreditnih sredstava; namjena utroška sredstava; proizvodi i usluge kojima se ostvaruje veća dodatna vrijednost; orijentisanost ka izvozu, kreditna sposobnost i formalno - pravno uredna dokumenta za obezbjedenje kredita. Prioritet u ostvarenju poticaja imaju sve proizvodne, a posebno izvozno orijentisane djelatnosti, te sve one djelatnosti koje su u Strategiji razvoja Kantona Sarajevo definisane kao strateške za razvoj Kantona Sarajevo.

Korisnici programa:

Pravo na dodjelu poticajnih kreditnih sredstava pod povoljnijim uslovima ostvaruju svi subjekti male privrede definisani u članu 5. Zakona o poticaju razvoja male privrede ("Službene novine Kantona Sarajevo", broj: 29/15 - u daljem tekstu: Zakon), koji imaju sjedište na području Kantona uz uslov implementacije odobrenih sredstava za provođenje poslovnih aktivnosti na području Kantona i koji obavljaju djelatnost navedenu u općim uvjetima dodjele poticajnih grant sredstava i subvencija u Godišnjem planu.

Ukupan iznos sredstava za ovu namjenu: 3.280.000,00 KM.

Iznos poticajnih kreditnih sredstava utvrđuje se nakon provedene analize kreditnog zahtjeva i kreditne sposobnosti svakog subjekta i uz saglasnost Ministarstva privrede za svaki od strane banke obrađeni i potvrđeni zahtjev privrednog subjekta za odobrenje kreditiranja – finansiranja. Iznos pojedinačnih poticajnih kreditnih sredstava je do 1,000,000.00 KM, a dodjeljuju se na rok do 7 godina (84 mjeseca) koji ne uključuje ugovoreni greis period. Godišnjim planom za 2020. godinu za ovu namjenu predviđen je iznos od 3.280.000,00 KM.

1.2 Program: "Subvencioniranje (refundiranje) kamata po preuzetim kreditima"

Cilj:

Program omogućava subjektima male privrede koji su kreditno zaduženi u komercijalnim bankama (po osnovu nabavke trajnih sredstava, opreme i/ili finansiranja investicija za rast i razvoj subjekata male privrede, i koji obavljaju djelatnost navedenu u općim uvjetima dodjele poticajnih grant

sredstava i subvencija u Godišnjem planu i ovom Programu utroška sredstava) da ostvare pravo na grant finansijska sredstva na ime subvencioniranja (refundiranja) dijela plaćenih troškova kamate. Korisnicima se na ovaj način omogućavaju poticajna grant finansijska sredstva čija namjena je obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju i povećanje obima proizvodnje i/ili usluga, te u skladu sa tim i obezbjeđenje novih radnih mjesta. Korisnik koji po ovom osnovu ostvari subvenciju u maksimalnom iznosu ima obavezu zapošljavanja novog/ih radnika u trajanju od najmanje godinu dana, o čemu je korisnik dužan uz redovni Izvještaj o utrošku sredstava dostaviti i potvrdu Porezne uprave o zapošljavanju novog radnika.

Kriteriji za izbor:

Kriteriji za izbor korisnika poticajnih sredstava na osnovu kojih podnosioci zahtjeva koji su kreditno zaduženi u komercijalnim bankama ostvaruju pravo su: obavljanje registrovane djelatnosti koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu što dokazuju obavještenjem službe za statistiku o razvrstavanju pravnog lica prema klasifikaciji djelatnosti, ugovor o kreditu sa komercijalnom bankom iz 2018. i 2019. godine iz kojeg je jasno vidljiva namjena odobrenih kreditnih sredstava (nabavka trajnih sredstava, mašina i opreme i/ili finansiranja investicija za rast i razvoj subjekata male privrede, te dio za obrtna sredstva u maksimalnom iznosu do 30% ukupnog iznosa kredita) i Potvrdu banke o redovnoj otplati kredita sa obaveznim pregledom i ukupnim iznosom obračunatih i plaćenih kamata za svaku godinu za koju se traži subvencija troškova kamate po osnovu kredita odobrenog u komercijalnoj banci, te ostalu opću i posebnu dokumentaciju u skladu sa Pravilnikom i javnim pozivom. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program.

Korisnici programa:

Pravo na dodjelu poticajnih grant sredstava za subvencioniranje kamata po preuzetim kreditima ostvaruju subjekti male privrede osnovani u skladu sa Zakonom o poticaju razvoja male privrede koji imaju sjedište na prostoru Kantona Sarajevo i koji u skladu sa Obavještenjem o razvrstavanju pravnog lica prema klasifikaciji djelatnosti obavljaju registrovanu djelatnost koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i koji dostave ugovor o kreditu sa komercijalnom bankom iz 2018. i 2019. godine iz kojeg je jasno vidljiva namjena odobrenih kreditnih sredstava (nabavka trajnih sredstava, mašina i opreme i/ili finansiranja investicija za rast i razvoj subjekata male privrede, te dio za obrtna sredstva u maksimalnom iznosu do 30% ukupnog iznosa kredita. Subvencionirati (refundirati) će se dio troškova kamate za realizovane kredite koji imaju efektivnu kamatnu stopu (EKS) veću od 3%. Visina subvencioniranog dijela plaćenih troškova kamata za odobrene kredite kod komercijalnih banaka u 2018. i 2019. godini iznosi:

1. -50% plaćene kamate na kredite sa efektivnom kamatnom stopom 3 do 6%.
2. - 60% plaćene kamate na kredite sa efektivnom kamatnom stopom većom od 6,01%.

Ukupan iznos sredstava za ove namjene: 400.000,00 KM.

Godišnjim planom za 2020. godinu za sve podnosiocce zahtjeva, koji su kreditno zaduženi u komercijalnim bankama i ispunjavaju tražene uslove, predviđen je ukupan iznos sredstava od 400.000,00 KM. Minimalan iznos kredita za koji podnosioci zahtjeva, koji su kreditno zaduženi u komercijalnim bankama, mogu podnijeti zahtjev za subvencioniranje dijela troškova kamata je 30.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt.

1.3 Program: Poticaj za tehnološku modernizaciju i primjenu standarda kvalitete

Cilj:

Program omogućava subvencioniranje (refundiranje) prihvatljivih troškova, a namjena ostvarene subvencije (refundacije) je obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju i povećanje obima proizvodnje i/ili usluga, te u skladu sa tim i obezbjeđenje novih radnih mjesta namjena o čemu korisnik subvencije dostavlja dokaz uz Izvještaj o utrošku sredstava.

Kriteriji za izbor:

Kriteriji za izbor korisnika poticajnih sredstava na osnovu kojih podnosioci zahtjeva ostvaruju pravo su: obavljanje registrovane djelatnosti koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava, a što dokazuju obavještenjem službe za statistiku o razvrstavanju pravnog lica prema klasifikaciji djelatnosti, djelatnost koju subjekt male privrede obavlja (proizvodna ili proizvodno – uslužna), broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa. Sredstva za subvencioniranje troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke), te drugih dokaza u skladu sa Javnim pozivom. Uslovi za izbor korisnika poticajnih grant sredstava za primjenu standarda kvalitete su: da se subjekt male privrede nalazi u postupku ili su tokom 2018. i 2019. godine izvršili certifikaciju/standardizaciju i/ili koristili konsultantske usluge ili edukacije za uvođenje i certificiranje kvaliteta i druge standarde EU, ili su imali ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala, te o tome podnesu adekvatne dokaze (Ugovor i/ili račun i izvod iz banke o plaćenim troškovima), da subjekti male privrede posjeduju dokaze (certifikat izdat od ovlaštene certifikacijske organizacije u 2018. i/ili 2019. godini; obnovljen standard u 2018. i/ili 2019. godini; osiguran CE znak u 2018. i/ili 2019. godini ili posjeduju Tehnički fajl-dosije) sa svim pripadajućim procedurama, uputstvima i zapisima za osiguranje kvalitete proizvoda, te podnesu dokaze o izvršenim uslugama (Ugovor i/ili račun i izvod iz banke o plaćenim troškovima). Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, prednost prilikom dodjele sredstava ostvaruju privredni subjekti koji to pravo ostvaruju po osnovu uvođenja i certificiranja sistema kvaliteta i standarda EU. Ministarstvo može donijeti prijedlog odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

Korisnici programa:

Pravo na poticajna grant sredstava za subvencioniranje (refundiranje) dijela plaćenih troškova u 2018. i 2019. godini ostvaruju subjekti male privrede osnovani u skladu sa Zakonom o poticaju razvoja male privrede koji imaju sjedište na prostoru Kantona Sarajevo i koji u skladu sa Obavještenjem o razvrstavanju pravnog lica prema klasifikaciji djelatnosti obavljaju registrovanu djelatnost koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu. Pravo na poticajna grant sredstava za subvencioniranje - refundiranje dijela plaćenih prihvatljivih troškova subjekti male privrede ostvaruju za sljedeće aktivnosti: kupovinu mašina i opreme, jačanje konkurentnosti kroz tehnološku modernizaciju, modernizaciju i inovaciju poslovnih procesa, konsultantske usluge, edukaciju i uvođenje sistema i standarda kvalitete; za certificiranje sistema i certificiranje proizvoda (CE oznaka) kojima se obezbjeđuju usklađenost vlastitih proizvoda prema evropskim normama i smjernicama; te za troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda.

Ukupan iznos sredstava za ovu namjenu: 250.000,00 KM.

Godišnjim planom za 2020. godinu za ovu namjenu predviđen je iznos od 250.000,00 KM. Sredstva će se dodjeljivati u iznosu do 70% priznatih troškova utrošenih za ove namjene, a u maksimalnom iznosu po jednom korisniku do 20.000 KM. Korisnik koji ostvari subvenciju u iznosu od najmanje 20.000,00 KM ima obavezu zapošljavanja novog radnika (po mogućnosti do 35 godina) u trajanju od najmanje godinu dana, o čemu je korisnik dužan uz redovni Izvještaj dostaviti i potvrdu Porezne uprave o novo uposlenom radniku. Sredstva za subvencioniranje (refundiranje) troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke), te drugih dokaza u skladu sa Javnim pozivom.

1.4 Program: Poticaj za unaprjeđenje poduzetništva obrtnika

Cilj:

Unaprjeđenje rada udruženja obrtnika je program čija namjena predviđa subvenciju dijela troškova za provođenje odgovarajućeg programa/projekta razvoja obrta, očuvanja obrtničke tradicije, kulturnog i historijskog nasljeđa tradicionalnih i starih obrtničkih djelatnosti, pružanje stručne i materijalne pomoći tradicionalnim i starim obrtničkim djelatnostima, edukacije i stručnog osposobljavanja mladih u cilju jačanja veza između obrazovnog sistema i obrtništva, interesnog umrežavanje obrtnika i organizovanog zastupanja interesa obrtnika na konferencijama, okruglim stolovima i sajmovima, sa krajnjim ciljem jačanja rada Obrtničke Komore i udruženja obrtnika, te razvoja i afirmacije svih obrta.

Kriteriji za izbor:

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke.

Korisnici programa:

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju udruženja obrtnika koja su uredno registrovana na području Kantona Sarajevo i Obrtnička Komora Kantona Sarajevo, a koji uredno izmiruju sve zakonom predviđene obaveze.

Ukupan iznos sredstava za ovu namjenu: 50.000,00 KM

Godišnjim planom za 2020. godinu za ovu namjenu predviđen je iznos od 50.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300) i biće raspoređena na programe/projekte koji zadovolje kriterije iz Javnog poziva.

1.5 Program: Edukacija mladih za obrtnička-zanatska zanimanja i zapošljavanje

Cilj:

Namjena i cilj ovog Programa je da se za cca 20 mladih osoba neposredno osigura usvajanje ključnih vještina i kompetencija u obrtničkim zanimanjima, te će se na taj način osigurati kvalitetni - obučeni kadrovi koji mogu potaknuti zapošljavanje na neodređeno vrijeme ili za otvaranje vlastitog obrta. Sredstva poticaja za zapošljavanje na neodređeno ili određeno vrijeme od najmanje dvanaest mjeseci. mogu koristiti obrtnici koji će zaposliti osobe sa prebivalištem na području Kantona Sarajevo.

Kriteriji za izbor:

Osnovni kriteriji za izbor korisnika poticajnih grant sredstava vrši se na osnovu sljedećih elemenata: obrtnici koji kao osnovnu djelatnost obavljaju ostale zanate – obrte registrovane u skladu sa Zakonom o obrtima i srodnim djelatnostima, korisnici koji imaju mogućnost pružanja obuke i mentorstva za deficitarna zanimanja i sl. Prednost prilikom odabira Korisnika imaju podnosioci zahtjeva koji kao osnovnu djelatnost obavljaju stare i tradicionalne zanate – obrte, a na osnovu osnovne djelatnosti koja je upisana u obavještenju o razvrstavanju poslovnog subjekta prema klasifikaciji djelatnosti, izdatom od strane Federalnog zavoda za statistiku Sarajevo - Služba za statistiku za područje Kantona Sarajevo i Rješenja Porezne uprave o utvrđivanju plaćanja paušalnog poreza na dohodak. Obrtnici moraju posjedovati odgovarajuću stručnu spremu-osposobljenost za obavljanje obrta ili dostaviti dokaz da taj obrt obavljaju najmanje pet godina, te dokaz da postoji tradicija u obavljanju obrta dozvoljenog javnim pozivom, da je sjedište obrta i prebivalište obrtnika u Kantonu Sarajevo (potvrda OKKS).

Korisnici programa:

Pravo učešća, po osnovu javnog poziva, na dodjelu poticajnih grant sredstava za subvencioniranje troškova po ovom Programu ostvaruju obrtničke radnje koje na osnovu objavljenog javnog poziva podnesu aplikaciju, dostave potvrde o uredno izmirenim zakonskim obavezama i članstvu u Obrtničkoj komori Kantona Sarajevo i koje u roku od 6 mjeseci mogu omogućiti praktično iskustvo i vještine rada za novozaposlenog radnika. Odabrani korisnik sredstava, koji uredno prijavi novozaposlenog radnika, za vrijeme trajanja obuke ima pravo na poticajna sredstva i ima obavezu da novozaposlenog radnika o svom trošku zadrži u radnom odnosu još najmanje 6 mjeseci. Ukupno vrijeme trajanja obuke iznosi 6 (šest) mjeseci, a subvencioniranje cjelokupnih troškova vrši se nakon provedena najmanje 3 mjeseca interne obuke, a na osnovu dostavljene odgovarajuće dokumentacije. Prihvatljiva aktivnost je zaposlenje mladih osoba starosti 18 do 35 godina, izvođenje praktičnog programa obuke i vježbi za obavljanje poslova u obrtničkoj radnji u skladu sa registrovanom djelatnošću. Pravo učešća po javnom pozivu ne mogu ostvariti obrtnici koji obavljaju sljedeće djelatnosti: trgovačka, ugostiteljska, proizvodnja duhanskih proizvoda i alkoholnih pića, primarnu poljoprivredu, otvaranje kasina i drugih igara na sreću.

Ukupan iznos sredstava za ovu namjenu: 200.000,00 KM

Godišnjim planom za 2020. godinu za ovu namjenu predviđen je iznos od 200.000,00 KM. a sredstva su obezbijedena u Budžetu Kantona Sarajevo na poziciji "Podsticaj razvoju male privrede", i biće dodjeljena na sljedeći način: a) Ukupan iznos mjesečne bruto subvencije po jednom zaposlenom kod Korisnika koji stare i tradicionalne zanate – obrte obavlja kao osnovnu djelatnost i po tom osnovu plaća porez na dohodak u paušalnom iznosu (paušalci) je 900,00 KM. Ovaj iznos obuhvata isplatu minimalne mjesečne neto plaće za prvu godinu rada u iznosu od 500,00 KM za polaznika i dio troškova svih zakonom propisanih poreza i doprinosa na neto platu, kao i drugih naknada za novouposlenog radnika.

b) Ukupan iznos mjesečne bruto subvencije po jednom zaposlenom kod Korisnika koji obavlja ostale stare i tradicionalne zanate – obrte ili obavlja drugi obrt registrovan u skladu sa Zakonom o obrtu i srodnim djelatnostima („Službene novine Federacije BiH“, broj 35/09 i 42/11), te po tom osnovu plaća porez na dohodak u skladu sa zakonom propisanim iznosom je 1.000,00 KM. Ovaj iznos obuhvata isplatu minimalne neto mjesečne plaće za prvu godinu rada u iznosu od 600,00 KM za polaznika

interne obuke i dio troškova svih zakonom propisanih poreza i doprinosa na neto plaću i drugih naknada za novouposlenog radnika.

c) Mjesečna bruto naknada za prenošenje stručnih znanja, vještina i nadzor stručnog osposobljavanja po novozaposlenoj osobi iznosi 200,00 KM, i biće isplaćena u cjelokupnom iznosu za 12 mjeseci.

1.6 Program: Poticaj za unaprjeđenje IT preduzetništva u svrhu zapošljavanja

Cilj:

Cilj programa je subvencioniranje dijela troškova IT kompanija koje nakon provedenog programa kreiraju platforme za zapošljavanje polaznika obuke u istoj ili drugim kompanijama. Ovim Programom daje se podrška poboljšanju kvaliteta znanja, prilagođavanja radu u IT kompanijama i upotrebi savremene informacijske i komunikacijske tehnologije sa krajnjim ciljem da se u IT kompanijama nakon provedenog internog programa edukacije i obuke izvrši zapošljavanje osoba koje su uspješno završile obuku i koje se bave djelatnostima baziranim na znanju i savremenim informacionim tehnologijama. Program je namijenjen IT kompanijama i mladim osobama i onima koji žele da se bave djelatnostima baziranim na znanju i informaciono komunikacionim tehnologijama.

Kriteriji za izbor:

Podnosilac ponude mora biti registrovan za pružanje usluga u oblasti informaciono komunikacionih tehnologija, mora obezbijediti poslovni prostor (vlastiti ili zakupljeni) koji će opremiti odgovarajućom IT opremom (računari, table, projektor i ostala pomoćna sredstva), te u takvom centru provesti dostavljeni projekt/program interne obuke prilagođen IT kompaniji i/ili krajnjem cilju zapošljavanja polaznika koji uspješno završe obuku. Podnosilac ponude mora dostaviti dokument o organizovanosti, broju i kvalifikacionoj strukturi uposlenih i angažovanih lica u provedbi projekta kao detaljan interni program/projekt obuke. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u predmetnoj IT kompaniji ili sa lokalnim/globalnim tržištem ili za otvaranje vlastitog biznisa-startup preduzeća.

Korisnici programa:

Pravo na dodjelu poticajnih grant sredstava za subvencioniranje ili finansiranje troškova po ovom Programu ostvaruju privredni subjekti IT sektora koji su registrovani za pružanje usluga u oblasti informaciono komunikacionih tehnologija (Područje J – Informacije i komunikacije - oblast 62) što dokazuju obavještenjem službe za statistiku o razvrstavanju pravnog lica prema klasifikaciji djelatnosti, koji imaju sjedište na teritoriji Kantona Sarajevo imaju više od 10 uposlenih i koji će po uplati sredstava realizovati program/projekt obuke i osposobljavanja za grupe polaznika (5 do 20 osoba) kojim se omogućava poboljšanje kvaliteta znanja i upotrebe savremene informacijske i komunikacijske tehnologije polaznika obuke, sa krajnjim ciljem da se u IT kompanijama koje provedu

program interne obuke ili drugim IT kompanijama izvrši zapošljavanje određenog broja mladih i/ili drugih nezaposlenih osoba koji su u skladu sa zahtjevima IT kompanija ispunili preduvjete za pohađanje ili uspješno završili predmetne obuke. Pravo ostvaruju privredni subjekti koji realizacijom Programa imaju obavezu uposliti nove radnike na period od minimalno godinu dana, a Korisnik poticaja je dužan uz redovni Izvještaj dostaviti i potvrdu Porezne uprave o novozaposlenom/im radnicima. Radno mjesto se vrednuje sa 10.000,00 KM po uposlenom radniku.

Ukupan iznos sredstava za ovu namjenu: 500.000,00 KM.

Godišnjim planom za 2020. godinu za ovu namjenu predviđen je ukupan iznos od 500.000,00 KM. Sredstva za provođenje ovog programa su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Ukupna sredstva za ovu namjenu dodjeljivat će se na osnovu broja pristiglih prihvatljivih prijava, pri čemu maksimalni iznos sredstava ne može biti veći od 50.000,00 KM (slovima: pedesethiljada konvertibilnih maraka) po jednoj IT kompaniji uz obavezno zapošljavanje 5 (pet) radnika. Ostvarene subvencije služe za ulaganja u obavljanje registrovane djelatnosti ili provođenje nove obuke o čemu korisnik subvencije dostavlja dokaz uz Izvještaj o utrošku sredstava. U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa namjenom povećanja ukupnog iznosa za provođenja obuke i zapošljavanja u IT kompanijama, ta dodatna sredstva će biti korištena u ove svrhe na osnovu zaključenog sporazuma, a sve s ciljem što kvalitetnije implementacije ovog programa

1.7 Program: Poticaj start up subjektima male privrede

Cilj:

Ovim Programom poticajna sredstva dodjeljuju se start up subjektima male privrede registrovanim u periodu od 01.01.2017. godine do 31.12.2019. godine za subvencioniranje (refundiranje) prihvatljivih troškova nastalih u fazi pokretanja privredne aktivnosti, odnosno za sljedeće aktivnosti: nabavu mašina, opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana, softvera i konsultantske usluge i sl., ukoliko isti nisu sufinansirani od drugih institucija prilikom njihove registracije. Ostvarene subvencije omogućavaju ekonomsku održivost i stabilnost poslovnih subjekta na području Kantona Sarajevo, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka ekonomske krize, povećanje izvoza i obezbjeđenje redovnog poslovanja.

Kriteriji za izbor:

Kriteriji za izbor korisnika poticajnih sredstava na osnovu kojih podnosioci zahtjeva ostvaruju pravo su: obavljanje registrovane djelatnosti koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava, a što dokazuju obavještenjem službe za statistiku o razvrstavanju pravnog lica prema klasifikaciji djelatnosti, djelatnost koju subjekt male privrede obavlja (proizvodna ili proizvodno – uslužna), broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa. Sredstva za subvencioniranje troškova uplaćuju se na račun korisnika na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava za koje su podnijeli zahtjev i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su koji su za bilo koju od navedenih namjena u periodu od 01.01.2017. godine do 31.12.2019. godine ostvarili subvenciju, donaciju ili drugi vid finansijske pomoći.

Korisnici programa:

Pravo na subvencioniranje (refundiranje) troškova ostvaruju start up subjekti male privrede osnovani u skladu sa Zakonom od 01.01.2017. godine do 31.12.2019. godine sa sjedištem na području Kantona Sarajevo i koji u skladu sa Obavještenjem o razvrstavanju pravnog lica prema klasifikaciji djelatnosti obavljaju registrovanu djelatnost koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava. Pravo na poticajna grant sredstava za subvencioniranje (refundiranje) dijela plaćenih troškova u 2017., 2018. i 2019. godini ostvaruju subjekti male privrede za sljedeće aktivnosti: nabavku mašina, postrojenja i opreme, repromaterijala u vrijednosti većoj od 3.000,00 KM, unutrašnje uređenje poslovnog prostora; preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga i troškove zakupa poslovnog prostora. Neprihvatljivi troškovi su: vanjski građevinski radovi i kupovina/najam osobnih vozila.

Ukupan iznos sredstava za ovu namjenu: 150.000,00 KM

Godišnjim planom za ovaj Program planiran je ukupan iznos od 150.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2017. godine do 31.12.2019. godine. Poticaj može iznositi do 70% prihvatljivih dokumentiranih troškova, a najviše ukupno 20.000,00 KM za jedan privredni subjekt. Korisnik koji ostvari subvenciju od najmanje 20.000,00 KM ima obavezu zapošljavanja novog radnika u trajanju od najmanje godinu dana, o čemu je dužan uz Izvještaj dostaviti i potvrdu Porezne uprave.

1.8 Program: Poticaj razvoja ženskog preduzetništva**Cilj:**

Ovim Programom obezbjeđuju se poticajna grant sredstva ženama poduzetnicama za subvencioniranje (refundiranje) prihvatljivih troškova u periodu od 01.01.2017. godine do 31.12.2019. godine za sljedeće aktivnosti: nabavu mašina, opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana, softvera i konsultantske usluge i sl., ukoliko isti nisu sufinansirani od drugih institucija prilikom njihove registracije. Ostvarene subvencije omogućavaju ekonomsku održivost i stabilnost poslovnih subjekta koji su u većinskom (minimalno 51%) privatnom vlasništvu žena na području Kantona Sarajevo, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka ekonomske krize, povećanje izvoza i obezbjeđenje redovnog poslovanja.

Kriteriji za izbor:

Kriteriji za izbor korisnika poticajnih sredstava na osnovu kojih podnosioci zahtjeva ostvaruju pravo su: obavljanje registrovane djelatnosti koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava, a što dokazuju obavještenjem službe za statistiku o razvrstavanju pravnog lica prema klasifikaciji djelatnosti, djelatnost koju subjekt male privrede obavlja (proizvodna ili proizvodno – uslužna), broj zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa. Sredstva za subvencioniranje troškova uplaćuju se na račun korisnika na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava za koje su podnijeli zahtjev i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen. Pravo prvenstva imaju podnosioci zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su koji su za bilo koju od

navedenih namjena u periodu od 01.01.2017. godine do 31.12.2019. godine ostvarili subvenciju, donaciju ili drugi vid finansijske pomoći.

Korisnici programa:

Pravo na subvencioniranje (refundiranje) troškova u 2017.; 2018. i 2019. godini ostvaruju subjekti male privrede osnovani u skladu sa Zakonom o poticaju razvoja male privrede koji imaju sjedište na prostoru Kantona Sarajevo i koji u skladu sa Obavještenjem o razvrstavanju pravnog lica prema klasifikaciji djelatnosti obavljaju registrovanu djelatnost koja je navedena kao dozvoljena u općim uvjetima dodjele poticajnih grant sredstava i subvencija u Godišnjem planu i ovom Programu utroška sredstava, a koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 2 (dva) radnika uključujući i vlasnicu, s time da će prednost imati oni koji su usmjereni na proizvodnju i plasman vlastitih, izvornih proizvoda i usluga. Pravo na poticajna grant sredstava za subvencioniranje (refundiranje) dijela plaćenih troškova ostvaruju subjekti male privrede za sljedeće aktivnosti: nabavku mašina, postrojenja i opreme, repromaterijala u vrijednosti većoj od 3.000,00 KM, unutrašnje uređenje poslovnog prostora; preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga i troškove zakupa poslovnog prostora. Neprihvatljivi troškovi su: vanjski građevinski radovi i kupovina/najam osobnih vozila. Pravo ne mogu ostvariti privredni subjekti koji su za bilo koju navedenu namjenu u periodu od 01.01.2017. godine do 31.12.2019. godine i po bilo kom osnovu ostvarili subvenciju, donaciju ili drugi vid finansijske pomoći

Ukupan iznos sredstava za ovu namjenu: 150.000,00 KM

Godišnjim planom za ovaj Program planiran je ukupan iznos od 150.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2017. godine do 31.12.2019. godine. Sredstva za provođenje ovog Programa po javnom pozivu dodjeljuju se isključivo za troškove sa datumom fakture od 01.01.2017.godine do 31.12.2019. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi do 70% prihvatljivih dokumentiranih troškova, najviše 20.000,00 KM prihvatljivih troškova za jedan privredni subjekt. Korisnik koji po ovom osnovu ostvari subvenciju u iznosu od 20.000,00 KM ima obavezu zapošljavanja novog/ih radnika u trajanju od najmanje godinu dana, a korisnik je dužan uz redovni Izvještaj dostaviti i potvrdu Porezne uprave.

1.9 Program: Podrška mladima za pokretanje start up poslovnih subjekata

Cilj:

Cilj provođenja ovog programa je potaknuti poduzetnički duh među mladim ljudima, motivisati kreativne mlade pojedince s inovativnim i provedivim poslovnim idejama za pokretanje vlastitog biznisa i jačanje preduzetničke kompetencije mladih osoba u Kantonu Sarajevo. Programom se za cca. 70 mladih nezaposlenih osoba pruža podrška i finansijski poticaj za pokretanje vlastitog start up poslovnog subjekta, te se istim postiže smanjenje stope nezaposlenosti mladih u Kantonu Sarajevo.

Kriteriji za izbor:

Mlade osobe (aplikanti) moraju ispunjavati sljedeće osnovne (eliminatorne) kriterije kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu stariji od 35 godina u momentu dostavljanja prijave; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito sufinansiranje od minimalno 10% od ukupne vrijednosti odobrenih poticajnih grant sredstava iz ovog Programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su

spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje.

Korisnici programa:

Pravo na ostvarenje poticajne finansijske podrške ostvaruju nezaposlena punoljetna fizička lica koja pripadaju kategoriji mladih ljudi u skladu sa čl. 4. i. 42. Zakona o mladima (18-35 godina u trenutku objavljivanja javnog poziva), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima.

Ukupan iznos sredstava za ovu namjenu: 1.300.000,00 KM.

Za provođenje aktivnosti po Programu: "Podrška mladima za pokretanje start up poslovnih subjekata na području KS" predviđeno je 1.300.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuju u maksimalnom iznosu do 18.600,00 KM. Grant podrška po jednom odabranom korisniku predviđena je u maksimalnom iznosu do 15.000,00 KM, a iznos od 3.600,00 KM predviđen je za finansiranje isplate minimalne mjesečne neto plaće za prvih 6 (šest) mjeseci rada i dio troškova svih zakonom propisanih poreza i doprinosa na neto plaću, te ostalih naknada za uposlenog radnika u ukupnom iznosu od 600,00 KM za svakog odabranog korisnika. U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa namjenom provođenja obuke i mentoringa za jačanje poduzetničkih kompetencija, ta dodatna sredstva će biti korištena u ove svrhe na osnovu zaključenog sporazuma o provođenju obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa

Program utroška sredstava sa kriterijima raspodjele sredstava "Poticaj razvoju male privrede" u iznosu 6.280.000 KM utvrđen je na osnovu Godišnjeg plana provođenja Programa razvoja male privrede za 2020. godinu Odluke o usvajanju Godišnjeg plan provođenja Programa razvoja male privrede za 2020. godinu ("Službene novine Kantona Sarajevo", broj 30/20) i Budžeta Kantona Sarajevo za 2020. godinu ("Službene novine Kantona Sarajevo", br: 10/20, 18/20 i 29/20). U skladu sa Pravilnikom o postupcima u provođenju Programa razvoja male privrede, Ministarstvo privrede Kantona Sarajevo objavljuje Javni poziv za izbor korisnika poticajnih grant sredstava. Obavještenje o Javnom pozivu za podnošenje zahtjeva za dodjelu poticajnih sredstava u 2020. godini objaviti će se u "Službenim novinama Kantona Sarajevo" i u dnevnim novinama, a na web stranici Ministarstva privrede potpuni tekst Javnog poziva sa prijavnim obrascima za svaki objavljeni Program. U svom radu Komisija formirana u skladu sa Pravilnikom može po potrebi, a radi što objektivnijeg vrednovanja prijava po pojedinim programima, zatražiti konsultacije eksperata iz datih oblasti, kao i dodatno pojašnjenje od strane podnosioca prijave na javni poziv. Poticajna sredstva, po onovu navedenih programa iz ovog Programa dodjeljuju se na način utvrđen Pravilnikom.

